

# IS-BWYLLGOR TRWYDDEDU C

Dydd Iau, 16 Mawrth 2017

**YN BRESENNOL:** Y Cyngorydd T. Davies (Cadeirydd)

**Y Cynghorwyr:**

J.M. Charles and D.J.R. Llewellyn

**Yr oedd y swyddogion canlynol yn gwasanaethu yn y cyfarfod:**

R. Edgecombe, Rheolwr y Gwasanaethau Cyfreithiol

K. Thomas, Swyddog Gwasanaethau Democraidd

**Chamber, County Hall, Carmarthen - 10.00 - 10.30 am**

**1. DATGAN BUDDIANNAU PERSONOL.**

Ni chafwyd dim datganiadau o fuddiant personol.

**2. CAIS AM DRWYDDED PERSONOL - MR GURPREET SINGH GILL, 8 NEW ROAD, AMMANFORD SA18 3ES**

Dywedwyd wrth yr Is-bwyllgor bod y cais am drwydded personol a gyflwynwyd gan Mr G S Gill wedi cael ei dynnu oddi ar yr agenda i'w ystyried y diwrnod hwnnw.

**PENDERFYNWYD YN UNFRYDOL nodi bod y cais wedi'i dynnu'n ôl.**

**3. CAIS AM DRWYDDED SAFLE - MAJKA POLISH SHOPS LTD, TY LLYSFAEN, STRYD Y BONT, LLANYBYDDER SA40 9XY**

Rhoddodd Rheolwr y Gwasanaethau Cyfreithiol wybodaeth i bawb oedd yn bresennol am drefn y cyfarfod, a hysbysodd yr Is-bwyllgor fod cais wedi dod i law gan A.E. Luzarova am drwydded safle o ran yr eiddo a adnabyddir fel Majka Polish Shops Ltd, Llysfafen House, Stryd y Bont, Llanybydder i gyflenwi alcohol/oriau agor yn ystod y cyfnod o ddydd Llun i ddydd Sul 09:00 i 22:00.

Nododd yr Is-bwyllgor fod y dogfennau canlynol ynghlwm wrth yr adroddiad:-

Atodiad A – Copi o'r cais

Atodiad B – sylwadau gan Awdurdod Trwyddedu Heddlu Dyfed-Powys

Atodiad C – sylwadau a gyflwynwyd gan bobl eraill

Yn ogystal â'r ddogfennaeth uchod, cafodd yr Is-bwyllgor, yn dilyn cytundeb yr holl bartion oedd yn bresennol, y ddogfennaeth ychwanegol ganlynol:-

- E-bost dyddiedig 7 Chwefror gan M. Beynon, swyddog ariannol cyfrifol Cyngor Cymuned Llanybydder i Is-adran Gynllunio'r Cyngor ynghylch ymgynghoriadau ar geisiadau cynllunio, cyfeiriwyd at wrthwynebiad y Cyngor Cymuned i ganiatáu Trwydded safle ar gyfer Majka Polish Shop ar sail bod digon o siopau yn gwerthu alcohol eisoes yn y pentref. Dywedodd Rheolwr y Gwasanaethau Cyfreithiol er mai yn ddiweddar iawn yr oedd cynnwys yr e-bost wedi dwyn i sylw'r Is-adran Drwyddedu, nid oedd y gwrthwynebiad ar sail angen, yn ffactor perthnasol wrth benderfynu ar y cais a dylid ei osod o'r neilltu;

- E-bost dyddiedig 8 Mawrth gan yr ymgeisydd at Mr M Price Heddlu Dyfed-Powys yn derbyn yr amodau 1-16 a awgrymwyd
- Hysbysiad gan Mr M Price yn tynnu'n ôl sylwadau Heddlu Dyfed-Powys yn ffurfiol ar sail e-bost yr ymgeisydd dyddiedig 8 Mawrth, y cyfeiriwyd ato uchod
- Hysbysiad wedi'i lofnodi gan yr ymgeisydd dyddiedig 14 Mawrth i'r Is-adran Drwyddedu yn derbyn amodau diwygiedig Heddlu Dyfed-Powys;
- y cynlluniau sy'n nodi lleoliad eiddo'r ymgeisydd a'r gwrthwynebydd.

Dywedodd Rheolwr y Gwasanaethau Cyfreithiol er bod gwrthwynebiad wedi dod i law, nid oedd y gwrthwynebydd yn y cyfarfod ac felly dylai'r Is-bwyllgor fynd ati i wrando ar sylwadau'r ymgeisydd.

Dywedodd yr Ymgeisydd wrth yr Is-bwyllgor ei bod wedi gweithredu ar safle arall yn Llanybydder yn ystod y naw mlynedd blaenorol gyda safle trwydded ac nad oedd wedi cael unrhyw wrthwynebiadau. Mae'r safle hwnnw bellach wedi cau, ac roedd y cais presennol wedi cael ei gyflwyno yn dilyn adleoli ei busnes i safle newydd yn Llysfaen House. Gan ei bod wedi adleoli i Llysfaen House, cadarnhaodd na fyddai'n gweithredu o ddau safle, a byddai'r cais presennol am drwydded, petai'n cael ei ganiatáu, yn lle ei thrwydded flaenorol. Ni fyddai'n arwain at gynnydd yn nifer y safleoedd yn Llanybydder a oedd yn gwerthu alcohol.

Cyfeiriodd yr Ymgeisydd hefyd at bryderon y gwrthwynebydd yn ei sylwadau ysgrifenedig am ymddygiad gwrthgymdeithasol honedig gan elfen benodol o'r gymuned, a'r pryderon am yr effaith bosibl y byddai caniatáu'r cais am drwydded yn Llanybydder yn ei gael ar yr ymddygiad hwnnw. Mynegodd yr ymgeisydd farn y byddai unrhyw ymddygiad gwrthgymdeithasol y tu hwnt i'w rheolaeth ac mae'r Heddlu oedd yn y sefyllfa orau i ymdrin â hyn.

Rhoddwyd cyfle i'r Is-bwyllgor holi cwestiynau i'r ymgeisydd am ei chais.

Yna bu i'r Is-bwyllgor

**BENDERFYNU YN UNFRYDOL gynnal sesiwn preifat er mwyn cael cyngor cyfreithiol yn unol â Pharagraff 16, Atodlen 12A o Ddeddf Llywodraeth Leol 1972**

Ar ôl y toriad, ailymgynullodd yr Is-bwyllgor i gyhoeddi ei benderfyniad ac ar ôl ystyried y paragraffau perthnasol o Ddatganiad Polisi Trwyddedu'r Awdurdod Trwyddedu a'r Cyfarwyddyd a gyhoeddwyd gan yr Adran dros Ddiwylliant, y Cyfryngau a Chwaraeon (DCMS) a chan y Swyddfa Gartref a'r materion y cyfeiriwyd y pwyllgor atynt gan y Partïon sydd â diddordeb.

**PENDERFYNWYD caniatáu'r cais am Drwydded Safle ar gyfer Majka Polish Shop, Llysfaen Shop, Stryd y Bont, Llanybydder yn amodol ar yr amodau trwydded ychwanegol y cytunwyd arnynt rhwng yr ymgeisydd a'r heddlu**

**Y RHESYMAU**

Wrth benderfynu ar y cais, yr oedd y ffeithiau canlynol yn hysbys i'r Is-bwyllgor;

1. Nid oedd yr Heddlu yn gwrthwynebu mewn egwyddor i ganiatáu'r cais
2. Nid oedd sylwadau wedi dod i law gan awdurdodau cyfrifol eraill
3. Roedd yr ymgeisydd eisoes wedi cael trwydded safle ar gyfer gwerthu alcohol mewn safle arall yn y pentref
4. Ni chafodd dim tystiolaeth ei chyflwyno o ran troseddau ac anrhefn yn y safle nac yn gysylltiedig ag ef.
5. Roedd yr ymgeisydd wedi derbyn yr amodau ychwanegol yr oedd yr heddlu wedi gofyn amdanynt

Yr oedd yr Is-bwyllgor wedi rhoi pwys ar farn yr heddlu, ac ar y ffaith nad oedd dim sylwadau gan yr awdurdodau cyfrifol eraill wedi dod i law. Hefyd roedd yr Is-bwyllgor wedi rhoi ystyriaeth i faterion troseddau ac anrhefn yng nghyffiniau'r safle, ond nad oeddynt yn deillio'n uniongyrchol o'r safle.

Yr oedd yr Is-bwyllgor yn cydnabod bod yn rhaid i'w benderfyniad gael ei seilio ar dystiolaeth wirioneddol, ac nad oedd pryderon nac ofnau ynghylch yr hyn a allai ddigwydd pe caniateid trwydded, lle nad oedd tystiolaeth o'r fath i'w hategu, yn faterion y gallai roi ystyriaeth briodol iddynt.

Yn dilyn ystyried yr holl dystiolaeth a gyflwynwyd roedd yr Is-bwyllgor yn fodlon ei fod yn briodol caniatáu'r cais yn amodol ar yr amodau trwyddedu ychwanegol y cytunwyd arnynt rhwng yr ymgeisydd a'r heddlu er mwyn hyrwyddo'r amcan atal troseddau. Hefyd roedd y pwyllgor yn fodlon bod hyn yn ymateb cymesur i'r materion a godwyd.

---

**CADEIRYDD**

---

**DYDDIAD**